

S. 1

LATINAE
INSCRIPTIONES

AUCTORE

CAN.^{co} JOANNE SCHERILLO

REGIAE ACADEMIAE
ARCHAEOLOGICAE, LITTERARUM ET BONARUM ARTIUM SOCIO ORDINARIO;
PONTANIANAE ETC.



NEAPOLI
TYPIS FIBRENIANIS

MDCCCLXIX T.

AMPLISSIMO VIRO
JULIO MINERVINI

COLLEGAE SUO ¹⁾
JOANNES SCHERILLO

S.

Latinas aliquot *επιγραφας* in lucem editurus, quas identidem exarare mihi contigit, nemini alii inscriptas volo, quam tibi, dulcissime Juli. Hoc nostrae amicitiae, qua jampridem sumus invicem devincti, testimonium esto; hoc eximiae tuae doctrinae obsequium. Plerique, nostris hisce diebus, novi aliquid in commune bonum excogitasse arbitrati, crebris sermonibus usurpare non dubitant, juvenculos latinis litteris operam navantes, nihil aliud agere, quam mi-serrimam temporis jacturam: melius prorsus futurum, si primos illos aetatis annos scientiis sive mathematicis, sive physicis, sive philosophicis insumerent. At vero quam sibi illudunt, jam ex eo colligi potest, quod latinam linguam ceteris omnibus aliarum gentium sermonibus parem facere videantur. Si res ita se haberet, quis unquam eos falsi argueret? Verum Populi Romani Respublica tam late patuit, ut mundum fere universum complexa sit; ita quidem ut latinam linguam negligere perinde sit, ac totam omnino antiquitatem repudiare.

Quod si non inde tantum juvenibus malum immineret, ea est latini sermonis natura, ut per se ipse nullo unquam tempore reliquis aliarum rerum studiis non sit anteponendus. Enimvero sit sane certum (neque de hac re dubitandi mihi animus est) ex Mathesi, Physica, Philosophia, aliisque id genus disciplinis, constare pulcherri-

¹⁾ In Regia Acaademia Archaeologiae, Litterarum et Bonarum artium; Pontaniana etc.

4
mum, ut ajunt, humanae sapientiae aedificium. Quo demum fundamento, si latinas litteras e medio tollunt, illud statuere contendant? Ea enim semper sanae mentis hominibus sententia fuit, ut, quemadmodum ingentem molem aedificaturus, si fundamenta jacere neglexerit architectus, eum stultitiae nota omnes urendum esse judicarent; ita si quis instituendos juvenes latinis litteris prohiberet. Classici enim latini scriptores hoc sibi proprium et singulare vindicant, ut in suis libris divinum veluti fontem nobis reserarint, unde primam illam vim hauriamus, qua mens animusque noster incredibili voluptate excitati, ad omnem humanitatem informentur. Hinc intimum quoddam vitae solatium existit, quod cum nemo unquam nobis eripere potest, tum res ipsas adversas reddit molliores. Hinc dicendi scribendique facultas oritur, qua lectorum aut auditorum animi tanta jucunditate alliciantur, ut plerumque vel invitos in nostram sententiam pertrahamus. Hinc reliquae omnes disciplinae sibi lumen et ornamenta cuique propria deducunt. Hinc ipsa humana ratio, qua ceteris omnibus animantibus excellimus, et majores exerit vires, et ampliori luce splendet. Hinc res gestae et praeclara facinora, litteris tradita, donari aeternitate videntur. Hinc privata vel publica monumenta, inscripto elogio, rei potius significatione quam operis mole posteris commendantur. Atque ut uno dumtaxat verbo rem concludam, hinc profecto est, ut latinorum scriptorum studium velut tessera apud omnes habeatur, qua docti et eruditi homines ab reliquis discernantur.

Et re quidem vera, quis non miretur in universo terrarum orbe latinos hosce scriptores tanto studio esse exultos, tantaque luce res hominum universas perfundere, ut si quis eos ablegaret, idem esset omnino ac si solem mundo eriperet? Quis enim usquam gentium aut Tullium, aut Caesarem, aut Livium, aut Sallustium, aut Tacitum non novit? Quis Virgilium, Horatium, Lucretium, Ovidium, Catulum ignorat? Si populos omnes, si remotissimas quasque nationes lustraveris, licet inter se dissitissimae sint, licet asperis montibus interclusae, licet rerum omnium inopia coelique inclementia et sexcentis aliis incommodis laborent, hoc sibi placent, hoc applaudunt, quod latinos scriptores suam domum receperunt, eorumque hospitum consuetudine utantur. Ex quo etiam fit, ut docti homines ex universo demum orbe terrarum in unam coaluerint societatem et cognatione quadam inter se contineantur, unde praestantissima illa in medium exurgit, quam Litterariam Rempublicam vocamus.

Digitized by Google

Cujus quidem rei, si pristinas litterariae Europae conditiones ante saeculum decimum sextum perpendas, quam luculentissima patet ratio. Cum enim in mentem praeteriti temporis memoriam revoces, jam inde usque repetens, invenies quasque tam vastae regionis gentes, densissimis ignorantiae tenebris offusas, velut in obscura noctis caligine esse versatas; donec ex inopinato parva quaedam scintilla illorum hominum mentes perculerit, quae paullatim in ingentem flammam provecta, tenebras omnes extersit, iisque novam lucem novumque attulit diem. At vero undenam toti Europae lux illa affulsit, nisi ex classicis latinis scriptoribus?

Haec autem Italiae nostrae maxima laus est, quod ipsa latinos hosce scriptores omnium prima in honorem revocarit, eosque studio et amore prosequuta, eo tandem devenerit, ut ex divinis illorum libris eam scintillam extuderit, quae brevi ad fugandam tot saeculorum ignorantiae noctem mirum in modum solis splendorem aemulari visa est. Quod quidem, ita uti accidit, divina Numinis providentia factum est. Non enim aliunde, quam ex Italia, praeclarissimi illi scriptores ortum duxerunt, Italiam suis libris illustrarunt, eamque divitiarum ingenii sui haeredem fecerunt; ut si quando, disjectis tenebris, lux aliqua gentibus esset invehenda, ea non nisi ex Italia emicaret, cui lux illa custodienda in commodum generis humani commissa fuisset.

Attamen si hoc aliquando sibi jus Italia vindicavit, nullo unquam tempore, ex nostra quidem sententia, quam in praesenti, eo debet uti. Cum enim, mole ipsa sua quondam fatigata, delapsa fuerit ac praeceps ruerit, varias deinde vices perpressa, modo barbarorum, modo sui ipsius regulorum imperio prostrata, ex humili tandem loco exsurrexerit, pristinaeque virtutis memor, ceteris majoribus nationibus, propriis se viribus non inferiorem asseruerit; id sibi potissimum cavendum esse existimo, ut hujusmodi praerogativam tueatur, qua per latinos scriptores reliquorum populorum magistra, Deo ipso auctore, constituta est. Utcumque enim reliquis conditionibus ceterae eam gentes sive aequent, sive etiam superare contendunt; haec uni illi gloria obtigit, haec illi aptissima via est, qua ad eam majestatem evehatur, ut omnium admiratione atque obsequio digna existimetur. Quod non ita dictum a me putes, quasi externae tantum Italiae nostrae dignitati consulam. Intimam ipsam Italiae virtutem latini sermonis stimulo excitari posse contendo. Cum enim (quae est cujuscumque sermonis natura) eloquium lati-

num externa significatione vitam illorum Romanorum prodat, qui reginam et caput omnium populorum Italiam constituerunt; prono alveo fluit, ut in latinae scilicet linguae visceribus, ut ita dicam, illius vitae semina quaerenda sint, quae et olim pristinum Italiae splendorem pepererunt, et modo nostris temporibus pariant.

Si qui vero evincere conantur (sunt autem plurimi), latini sermonis studio, detrimentum inferri italicae linguae, quam apprime italicum populum excolere deceat; hi quidem specie veri sese deceptos probant. Cum enim ex latino italicus sermo, quasi rivus ex amplissimo flumine, quondam effluerit, nunquam profecto poterit accidere, ut probe italicum eloquium quis calleat, cum latinum parvipenderit. Cujus quidem rei exemplum nobis ipsi italici scriptores praebent, quos tanquam magistros habemus. Namque et Dantes, et Petrarca, et Boccaccius, et ceteri qui jure meritoque principes in tanto negotio, omnium saeculorum judicio, constituti sunt, non modo assiduam latinis auctoribus operam navarunt, sed etiam quandoque latino sermone et ipsi plurima scripsere, et quod caput est, eos ipsos praeceptores, seu prosa seu versa italica oratione, sibi proposuisse confessi sunt. Id extra omnem dubitationis aleam apud doctos utriusque linguae positum est, qui jamdudum eos ex latinis quascumque dicendi veneres in sua scripta, admirabili quadam arte atque ingenio, derivasse animadverterunt. Quibus ex rebus ea facilis conclusio est, quidquid studii in latinos scriptores impendatur, non solum italicae linguae addiscendae nihil omnino detrimenti afferre, sed ad eam cognoscendam, ipsosque classicorum nostrorum sensus enucleandos prodesse quam maxime.

Fruamur ergo, Juli dulcissime, fortuna nostra. Ea enim mihi sententia sedet animo, praeclare quidem actum esse cum nobis, ut ab ineunte aetate ad latinarum litterarum studium deducti simus, doctissimos uterque praeceptores nacti; tu quidem Avellinum tuum, cujus ipsum nomen laus est, ego vero Carolum illum Rosinium, qui inter maximos officii sui labores nihil unquam antiquius habuit, quam ut quamplurimos studiorum suorum haeredes relinqueret. Utinam vero tanto praeceptore dignus videar! Haec communi utriusque solatio meminisse libuit. Tu me interea, quo more soles, amare perge et Vale.

Dat. Neap. IX. Kal. Octobris MDCCCLXIX.

ARAE SEPULCRALES



SALERNI, *Cippus quadrifarium inscriptus in coemeterio campestri*

I

NICOLAUS TOZZI

EX OPPIDO S. GREGORI HEIC SITVS EST
ADOLESCENS EGREGIVS ET OPTIME MORATVS

QVI

CVM PRAECOCI INGENIO GRAVIQVE SVpra AETATEM IVDICIO
INCREDIBILEM PROPE DE SE EXPECTATIONEM
CONCITARET

HEIC QVO STDIORVM CAUSA SECESSERAT
ACERBA MORTALITATE INTERCEPTVS OBIT
ANNOS NATVS

HVIC AMATISSIMO AC DESIDERATISSIMO
MATER ET FRATER
PRAETER VOTVM FECERVNT

II

HEV MISERANDAM RERVm HVMANARVM VERTIGINEM
MATER

LAETISSIMA FILIO TAM PRAECLARA MINANTI
DVM SECVm GAVDET

ET FAVSTA CVNCTA FORTUNATAQVE PRAEIT ANIMO
EXTERRITA IMPORTVNO NVNTIO

ADVOLAT

AT HEV DOLOR PRO NATO GELIDAS NATI EXVVIAS
AMPLEXATA EST

QVIS MISERAE FLENDI AC SINGVLTIENTI
IN POSTERVm ERIT MORVS

III

QVIS VNQVAM QVIS FANDO DIXERIT
DYLCESSIME NICOLAE
TE TAM SVBITO INOPINATOQVE FATO
NOSTRIS E COMPLEXIBVS DIVVLVSM IRI
EXTERNO VT SOLO OCCVMBERES
NEC NOBIS TVI AMANTISSIMIS
EXTREMVM SPIRITVM EXCIPERE
AVT OCVLVS TIBI CLAVDERE LICVERIT

VALE ANIMA IVCVNDISSIMA DIV NOS NON EXPECTABIS
HEV BREVI NOS TANTA AMISSIONE
CONFICIET DOLOR

IV

CRESCITE
VOS CHRCVM ATRAE CVPRESSVS
CRESCITE
PALLENTES VIOLAE
QVAS HVMI PRIMVM INSITAS
LACRYMIS IRRUGAVINVS
VOS NON TVRBO LANCINET
NON FVLMINA FERIAN
TAM CARI CAPITIS TVMVLVM
PROTEGITE
ILLVM IDENTIDEM VISVRI
ET VOS LACRYMIS EDVCABIMVS



NEAPOLI, in *Ecclesia Collegii Music.*

Pro foribus templi

KAROLO CONTI

MVSICAE ARTIS EXIMIO CVLTORI
TRIVMVIRI HVIC TEMPLE ET COLLEGIO PRAEFECTI
IVSTA PERSOLVUNT

ADESTO QVIS QVIS ES INCOLA SEV ACCOLA
ET INTER COLLEGAS COLLEGAE SVI FVNVS
HONESTANTES
INTERQVE ALVMNOS TANTVM PRAECEPTOREM
LACRYMIS PROSEQUENTES ABEVNTEM
INTROGREDITOR
ET AETERNAM REQUIETEM
DENEMERENTI EXPOSCITO

I

KAROLVS CONTI

IV · NON · OCT · MDCCXCVII
ARPINI IN VOLSCIS NATVS
A MEDICIS DISCIPLINIS ADHYC IUVENIS
NATVRAE VI ABREPTVS
MVSICAE EXCOLENDAE
HOC IPSO IN COLLEGIO SE TOTVM DEDIT
CLARISSIMVM DVCEM NACTVS ZINGARELLIVM
CVIVS GLORIAE SATIS OMNINO FVVISSET
HVNC DISCIPVLVM EFFINXISSE
MOX NEAPOLI ROMAE MEDIOLANI
AD DRAMATICA POEMATATA MODOS FECIT
ET PLACVIT
TRADENDIS TAMEN ARTIS SVAE PRAECEPTIS EXCELLVIT
QVAE ACRI INGENIO SVMMOQVE STVDIO AC LABORE
EX PRISCIS ITALIAE NOSTRAE AVCTORIBVS
HAVSERAT
DIGNVS QVEM HVIVSCE COLLEGII ALVMNI
IN PRIMIS SVSPICERENT
MERCADANTIVS VERO COLLEGII MODERATOR
INTER PHONASCORVM HVIVS AETATIS PRINCIPES
CERTE ADVNERANDVS
SIBI DELIGERET ADVITOREM
VITA CONCESSIT V · ID · IVL · MDCCCLXVIII

Dextrosum

II

KAROLVS CONTI

LITERAS RARO EXEMPLO MVSICAE ARTI
CONIVNXIT
ITA QVIDEM VT NEAPOLI ET PARISI
NOBILISSIMAE DOCTORVM HOMINVM SOCIETATES
EVM SIBI SOCIVM ADSCISERENT
AMICITIAM VERO TANTA RELIGIONE EXCOLVIT
VT FRATREM SE SE ADEPTOS ESSE IVDICARENT
QVIBVS EVM AMICVM SORS OBTVLISSET
HEHEV
QVI NEMINEM VIVVS
OMNES MORTE SVA CONTRISTAVIT

Sinistrorsum

III

KAROLVS CONTI

PIETATE CONSTANTIA MORVMQVE INTEGRITATE SPECTANDVS
INNATAM QVANDAM ANIMI DIGNITATEM
IN OMNI VITAE RATIONE PRAESETVLIT
QVAM TAMEN EA HVMANITATE TEMPERAVIT
VT SIMVL OBSEQVIVM SIBI PARERET ATQVE AMOREM

HAVE ANIMA INCOMPARABILIS
COELVMQVE ILLATA
CONIVGEM NATOS AMICOS
ALVMNOS DENIQVE TVOS
DEO COMMENDA

In postica tumuli parte

IV

DOMINE IESV
QVI TE IPSVM HOSTIAM PLACABLEM
QVOTIDIE VIVIS ET MORTVIS REDIMENDIS
OMNIPOTENTI DEO
SACERDOTALI OFFERS MINISTERIO
SI QVID SORDIVM
EX HOMINVM CONSORTIO
KAROLVS TVVS CONTRAXIT
LIBENS CLEMENS
DIVINO SANGVINE TVO ABSTERGITO

~~~~~  
PUTEOLIS

---

HEIC IN PACE CHRISTI REQUIESCIT  
**FRANCISCVS MIGLIACCIO**  
PIETATE RELIGIONE MORVM SIMPLICITATE  
ANTIQVIS COMPARANDVS

---

OBIT VI · ID · APR · MDCCLXII ANNOS NATVS LXV  
COELESTINA VXOR ET IANVARIVS FILIVS  
BENEMERENTI FECERVNT

---

*SUBCAVAE, prope Neapolim*

---

HEV QVANTVM MORTI LICET IN INSONTES ANIMAS

**CHRISTINA RICCIARDI**

INFANTVLA ORIS GRATIA VENUSTISSIMA  
VT MILLIA TIBI BASIA RAPERET  
NVTRICI LACTIS VIRVLENTIA  
VIX ANNVM ET TRES MENSES NATA  
CEV ROSA FYRENTI TVRBINE LANCINATA  
E SVORVM COMPLEXIBVS DIVVLSA EST  
PR · KAL · AVG · MDCCCXXXVII



*ALTAVILLAE, ad Silarum flumen*

---

**ANTONIO ROSSI**

PATRIA ACROPOLITANO  
QVI MISERANDIS FORTVNAE CASIBVS  
HVC ILLVC DIV IACTATVS  
DVM TANDEM DOMESTICO OTIO SVORVMQVĒ AMORE  
CORAM FRVI PARABAT  
SVBITO AC DIRO FATO  
HEIC ELATVS EST  
POSTRID · KAL · IAN · MDCCCXXXV  
ANNOS NATVS L · MENSES · IX



*PUTEOLIS, in Eccl. s. Michaelis*

---

**FRANCISCO ZOLA**

E COMITIBVS BRIXIAE  
AVITIS PROPRIISQVE VIRTVTIBVS SVSPICIENDO  
QVI  
CONSTANTIAM IN DOMESTICIS CALAMITATIBVS EXERCVIT  
LIBEROS AD PIETATEM ET LITERAS INFORMAVIT  
HEV CITIVS QVAM PRAESENSERIT ELATO  
DONORVM OMNIVM  
LACRYMAE AC SVSPIRIA

VIXIT A · XLVIII · M · IX · D · XVIII  
FATO CESSIT A · MDCCCXXXVI



MISENI, in Ecclesia prope promontorium

---

**IOSEPHVS SCOTTI DE MASE**  
HVIVS ECCLESIAE PRESBYTER CVRATVS  
HIC VBI  
SACRIS AEDIBVS EXORNANDIS  
PLEBEQVE SANCTIS MORIBVS INFORMANDA  
OMNE TEMPVS EXECIT  
VIVVS SIBI REQUIETORIVM COMPARAVIT  
DEPOSITVS EST . . . . ANNOS NATVS . . . .

---

VALETE FILIOLI  
ET PATRI OLIM VESTRO  
AETERNAM REQUIETEM ADPRECAMINI

~~~~~

PUTEOLIS, in rurali sacello S. Viti

KAROLINAE IASVOLI
FOEMINAE RARI EXEMPLI
FRANCISCVS VARRIALE CONIVGI INCOMPARABILI
PRAETER VOTVM

P.
VIXIT ANNOS XXXVII M · III · D · XV
ELATA VII · ID · IVL · A · MDCCCXXXVII

~~~~~

*Ibidem*

---

**IOSEPHA VARRIALE**  
INNOCENTISSIMIS MORIBVS  
FORMA PRAETER CETERAS EGREGIA  
SVB PRIMO FLORE IVVENTAE  
SVORVM AMORI DIREPTA  
HVC MATREM CAROLINAM IASVOLI  
HORIS VIX VNDECIM AB EIVS OBITU  
SECVTA EST

---

VIXIT A · XX · M · II · D · VIII

~~~~~

PORTICIBUS, ad Leucopetram prope Neapolim, in Sacello Redemptoris

IOANNI BAPTISTAE VECCHIONI

SACELLI HVIVS INSTITVTORI

QVI

SYMMIS MVNERIBVS FIDISSIME DEFVNCTVS
TOTVM PATRIAE TEMPORIBVS SE COMMODAVIT
ATQVE MARIAE ROSAE CATALANO
LECTISSIMAE FEMINAE
NICOLAVS FILIVS
PARENTIBVS BENEMERENTISSIMIS

QVI ETIAM HOC ANIMO REVOLVENS

QVEMLIBET HINC ABEVNTEM

HVMANO SALTEM PVLVERE EFFERRE PEDES SORDIDATOS

PRO AETERNALI EORVM REQUIETE

PIACVLARE CHRISTIANAE RELIGIONIS SACRVM QVOTIDIE

IN PERPETVVM FIERI IDQVE AD TEMPVS ETIAM

TVM PRO IPSIS ISDEM

TVM PRO MARIA ANTONIA MAGLIONE

CONIVGE DESIDERATISSIMA

ITERARI CONSTITVIT

ET VIVO CONIVX NEC LVCEM HOMINESQVE RELINQVO

CVM TE TAM SVBITO MORS INOPINA TVLIT

HEV QVOT ADHVC OPVS EST LACRVMAS TVMVLO DARE NOSTRO

DVM LICEAT COELO RVRSVS AMORE FRVI



NEAPOLIS, in Ecclesia Parochiali sanctae Annae ad maris litus
prope hortus publicos

Pro foribus templi

IOSEPHO MARIAE TIBET

CANONICORVM REGVLARIVM SS. SALVATORIS LATERANENSIVM

ABBATI

COMMVNI HVIVSCE REGIONIS NOMINE

CLERVS SAECVLARIS

EIVS VIRTVTI OBSEQUENTISSIMVS

PARENTAT

ADESTE CIVES

PATRI BENEMERENTISSIMO

AETERNAM REQUIETEM ADPRECATVRI

In tumuli fronte

I

IOSEPH MARIA TIBET

NEAPOLITANAE PRIMVM ECCLESIAE
NOMEN DEDIT
MOX CANONICORVM REGVLARIVM CONGREGATIONEM AMPLEXVS
ITA SE MAIORIBVS PROBAVIT
VT OMNIBVS SVI ORDINIS HONORIBVS
PERFVNCTVS
BREVI AD SVPREMAM ABBATIS DIGNITATEM
FVERIT EVECTVS
DVM INTEREA ALVMNOS FRATRESQVE SVOS
OMNIBVS OMNINO COMMENDANDOS
EXHIBVERAT
DELETIS VBIQVE PER ITALIAM REGVLARIBVS INSTITVTIS
TANTAM ANIMI AEGRITVDINEM
CONTRAXIT
VT VIX LVI ANNOS NATVS SVI DESIDERIVM
FECERIT
III · KAL · IVNI A · MDCCCLXVIII

Dextrosum

II

IOSEPHI MARIAE

NOMEN GRATIAE SVORVM MEMORIAE COMMISSVM
NVLLA VNQVAM OBRVET OBLIVIO
CANONICORVM ENIM REGVLARIVM FAMILIAM
DIFFICILLIMO TEMPORE REGENDAM NACTVS
OMNIVM ANIMOS ADEO SIBI DEVINXIT
VT INCREDIBILI PENE EXEMPLO
SANCTISSIMIS MORIBVS ATQVE OBSERVANTIA
NOBILE INVICEM CERTAMEN INSTITVTVM
OMNES ADMIRARENTVR

Sinistrosum

III

IOSEPH MARIA TIBET

TANTA CHARITATE FLAGRAVIT
VT CLAVSTRI TERMINOS PRAETERVECTVS
NVLLVM
IN OMNIVM ORDINVM CIVIS
CONFERENDIS BENEFICIS
CONSILIO IN PRIMIS ATQVE LIBERALITATE
FINEM FECERIT NISI CVM VITA

HEV PATER
QVOT LACRVMIS TVVM PVNVS DEDVXIMVS

In postica tumuli parte

IV

DOMINE IESV
IOSEPHVM MARIAM
QVI TIBI
VITAM OMNEM IMPENDIT
TVOQVE NOMINI
OBSEQUIVM HONOREM REVERENTIAM
PERPETVO ASSERVIT
MVNDANO FORTASSE PVLVERE
INQVINATVM
PIACVLARI SANGVINE TVO ABLVAS
AETERNAQVE BEATITATE
QVAM PRIMVM SOLATOR

Ad templi parietes

V

IOSEPH MARIA TIBET
IN VINEA DOMINI EXCOLENDA
SOLERTISSIMVS
HOC
QVOQVE SVMMOPERE CAVIT
NE DOMVS DEI SVVM DECVS ET MAIESTATEM
VNQVAM DESIDERARET
QVOD TVM PRAECIPVE
INNOTVIT
CVM ECCLESIAM SVI ORDINIS
TOTO HOMINE ADNISVS EST
VT QVAM SPLENDIDISSIME INSTAVRARETVR

VI

IOSEPH MARIA TIBET
VIRTVTVM OMNIVM EXIMIVS CVLTOH
VIRGINES DEO DICATAS
PERPETVO FOVIT
QVEIS IN RE DIFFICILLIMA
PRO VIRIBVS OPITVLATVS
HOC SIBI VISVS EST PROPOSVISSE
VT NEAPOLITANAE ECCLESIAE
HORTVLVS
HVIVSMODI LILIORVM VIRORE
CEDERET NVLLI



SURRENTI, in *Ecclesia* . .

Pro foribus templi

FRANCISCO XAVERIO MARESCA

APVD INDOS EPISCOPO
IVSTA FVNEBRIA PERSOLVYNTVR
QVOI COMMODYM EST HVC ADVORTAT
VIRO INCOMPARABILI
PACEM ADPRECATVRVS

I

FRANCISCVS XAVERIVS MARESCA

DOMO NEAPOLI
IN COLLEGIVM SACERDOTVM CORPORATORVM
SACRAE IESV CHRISTI FAMILIAE
COOPTATVS
EA CHARITATE IN DEVM EXARSIT
VT *MATTHAEI RIPAE* COLLEGI INSTITVTORIS
VESTIGIA PROSECVTVS
IN ASIAM CONTENDERIT
INDIS CHRISTI NOMEN DELATVRVS
VBI ADEO EGREGIE SE COMMENDAVIT
VT A · MDCCCXLIV *ECCLESIAE HV-QVANENSIS PROVICARIVS*
ET PATARENSIS EPISCOPVS
BIENNIO POST *EPISCOPVS SOLENSIS ET COADIVTOR NANKINENSIS*
ET DEMVM EIVSDEM *ECCLESIAE ADMINISTRATOR APOSTOLICVS*
SIT RENVCIATVS
CVM TAMEN XVIII POST ANNIS MENSE MAIO HVIVSMET ANNI
ROMAN A SYMPO PONTIFICE REVOCATVS
PATRIAM SVOSQVE
INOPINATO ADVENTV EXHILARASSET
INDOMABILIS MORBI VI AC LABORIBVS FRACTVS
SVOS INTER FRATRES
SANCTISSIMVM SPIRITVM
DEO REPRAESENTAVIT
POSTRID · KAL · NOV · A · MDCCCLV ANNOS NATVS XLIX

Dextrorsum

II

FRANCISCVS XAVERIVS MARESCA

BARBARAS ILLAS REGIONES
EFFVSA IN PRIMIS MISERICORDIA
IN SVI ADMIRATIONEM CONVERTIT
VBI ENIM PARENTES
QVOD NVLLIBI RERVN NATVRA
NE IN BELLVIS QVIDEM PATITVR
NATOS AVT IMPIA MANV PERIMVNT
AVT FERIS PROHICVNT DISCERPENDOS
HORVM INFANTVLORVN L · MILLIA
PATERNO AMORE EXCEPIT ALVIT FOVIT
QVOS AVT VITA DECEDENTES
COELO SVAE PIETATIS TESTES TRANSMISIT
AVT SVPERSTITES
PROPAGANDAE RELIGIONI DESTINAVIT

INGREDERE COELOS ANIMA MIENTISSIMA
ET OCCVRRENTES TIBI INFANTVLOS TVOS
DEOSCVLATVS
SVSCEPTVM OPVS VESTRO SIMVL PATROCINIO
APVD SINAS PROSEQVIMINI

Sinistrorsum

III

FRANCISCVS XAVERIVS MARESCA

NECESSARIIS PATRIA AMICIS OPIBVS POSTHABITIS
APVD BARBAROS CONCEDENS
MORTEM AVT CERTE VITAM MORTI SIMILEM
SIBI ADEVNDAM RATVS
EO ANIMI ARDORE
AD VINEAM DOMINI EXCOLENDAM
ABREPTVS EST
VT PROPE MIRACVLVM FVERIT
QVI VNVS AFFECTAE SEMPER VALETVDINIS
TOT LABORES EXANTLAVERIT
CVIVS REI
LXXV SINARVM MILLIA TESTES SVNT
QVOS EX NANKINENSI TANTVM DIOECESI
CHRISTIANO OVILI ADGREGAVIT

HAVE
PONTIFEX EGREGIE
DEVNQVE PRECIBVS EXORA
NE TVI IMITATIO
NIMIVM FRATRIBVS TVIS DIFFICILIS EVADAT

In postica tumuli parte

IV

FRANCISCVS XAVERIVS MARESCA

HOC ANIMO REVOLVENS
 MORTE APVD BARBAROS SIBI QVOTIDIE IMMINENTE
 LONGIVS CVRRICVLVM
 GEMINATA SEDVLITATE COMPENDIFACIENDVM
 DVOBVS COLLEGIS TRIBVSQVE ERECTIS
 CLERICORVM SEMINARIS

QVIBVS AD SCIENTIARVM ET SANCTIORIS VITAE STVDIVM
 IVVENTVS INFORMARETVR
 SVAE PIETATIS AC SAPIENTIAE HAEREDES
 RELIQVIT
 MISERICORDIAE VERO PERENNE MVNIMENTVM
 BINA AD AEGROTOS EXCIPIENDOS
 HOSPITIA EXCITAVIT



NEAPOLI, in sacello familiae Villarosae

MARIAE TERESIAE DE ROSA

E MARCHIONIBVS VILLAROSAE
 NVLLA VNQVAM AETAS NOMEN OBLITERABIT
 QVAE
 AD CHRISTIANAE PERFECTIONIS SCOPVM
 OMNEM EXIGENS SVAE VITAE RATIONEM
 RARISSIMO SE EXEMPLO COMMENDAVIT
 EA ENIM FVIT IN DEVM PIETATE
 QVALEM DECVIT VIRGINEM NVPTIAS ASPERNATAM
 VT DIVINO SE SPONSO TOTAM MANCIPARET
 MATRI DIVTVRNO MORBO LABORANTI
 PER ANNOS XXVII
 TAM SEDVLAM OPERAM IMPENDIT
 CEV SI VERSA VICE PARENS DVLCISSIMAE NATAE
 ASSEDISSET
 QVOAD INTER SVOS AMPLEXVS MORIENTI
 OCVLVS CLAVSERIT
 PARENTIS OPTIMI AD SOLITVDINEM RELICTI
 AEGRITVDINEM LEVAVIT
 REI DOMESTICAE CVRAM TANTA FIDE GESSIT AC SOLERTIA
 VT OMNES ADMIRARENTVR
 QVO PACTO VNA TOT OBEVNDIS OFFICIIS SVFFECERIT
 SOLATIO VERO PAVPERVM NATA
 AMPLISSIMAS OPES EFFVSA LARGITATE
 EIS DISTRIBVIT

ANIMA INCOMPARABILIS
 COELOS TVAE VIRTVTI DEBITOS INGREDERE
 IDQVE DEVM EXOSCITO
 VT TVAE VIRTVTIS MEMORIA
 DESIDES ALIQVANDO ANIMOS CONCVTIAT
 NATA A · MDCCXCVII IX KAL · IVN.
 DECESSIT III · KAL · MAR · MDCCCLXV



HERCULANI, in Ecclesia Portus Salvi

ANTONIO SABINO

QVI VIX SACRIS INITIATUS EST
NON SIBI SED DIVINO MINISTERIO VIVENDUM RATVS
ECCLESIAE DEI NITORI
RVDIBVS EXCOLENDIS EGENIS SVBLEVANDIS
ORPHANIS NUTRIENDIS
OMNE SVVM TEMPVS SCIENTIAM VIRES REM FAMILIAREM
IMPENDIT
DONEC CHOLERA MORBO GRASSANTE
DVM SVI NESCIVS INFIRMIS OPTVLARI SATAGERET
IMPOTENTI EIVSDEM PESTIS VI SVBITO CORREPTVS
MAGNYM CHRISTIANAE CONSTANTIAE DOCUMENTVM
POSTERIS RELIQUIT

DVIC OMNIYM LACRYMIS SVBLATO
IOSEPHVS FRATER
EIVS LABORVM HAERES PONENDVM CVRAVIT
SVI DESIDERIVM FECIT · · MDCCCLXVII ANNOS NATVS · · ·



*ARELLINI, in sacello, ubi, magna cruce in pariete depicta, octo imagines animarum piacularibus flammis circumventae, quas **Anime del Purgatorio** vocamus, reliquos sacelli parietes complent.*

I

HEHEV
CVM DEMVM MORTALI VITA DEFVNCTIS
IAM IAM OCCVRENTEM NOBIS
DIVINVM SPONSVM PRAESENTIBAT ANIMVS
PRO SPONSI AMPLEXIBVS
HAE NOS FLAMMAE MISERE MISERAS
AMPLEXATAE SVNT

II

QVIS QVIS ADES NE ABEAS ILLACRYMABILIS
NEMO ISTHNC COMMEAVIT
QVIN HYMANO SALTEM LVTO
PEDES EXTVLERIT FOEDATOS
AT TV OLIM EAMDEM MISERICORDIAM NANCISCEIS
QVA NOS NVNC FVERIS PROSECVTVS

III

QVI GENVS GLORIAM OPES
 LITERAS IPSAS ET ARTES
 MAIORES VOBIS COMPARARVNT
 NVNC STIPEM ROGITANT
 SI VOS SINIT ANIMVS
 QVIBVS OMNIA DEBETIS STIPEM DENEGATE

IV

SI IUVENIS ES IUVENTVTI NE FIDITO
 CEV FVR MORS OBREPIT CLANCVLM
 SI SENEX NOLI SENECTAE TVAE DOLVM FACERE
 SAPIES
 SI NOSTRARVM POENARVM EXEMPLO
 NVLLVM LACRYMIS AC GEMITIBVS
 MODVM IMPONES

V

PROPERATE ACCVRRITE
 NOS E VINDICIS DEI MANIBVS SVRRIPITE
 QVI DVM SONTES PLECTIT VELVTI PATER FILIOS
 CIRCVMSPICIT ANXIVS NVN QVIS SIBI FLAGELLVM
 DETRAHAT
 OLIM ET VOBIS GRATIAM REFEREMVS

VI

VESTRAM OPEM FRATRES IACENTIBVS PORRIGITE
 MOX COELESTEM PATRIAM ADEVNTES
 PIENTISSIMVM DOMINVM PRECIBVS DEFATIGABIMVS
 VT ILLO VOS SERVET IGNE
 VNDE VESTRA OPE EVASIMVS

VII

ET CONIVX ET FILI AMICIQVE OMNES
 MVLTIS LACRYMIS SVFFVSI
 HAC SPE MORIENTEM SOLABANTVR
 QVOD NVNQVAM MEI OBLIVISERENTVR
 HEV QVAM BREVI
 ILLORVM MEMORIA EXCIDIT

VIII

DVM VOLVPTAS INANESQVE CVRAE
 VESTRVN DISTINENT ANIMVM
 HEV QVANTA NOS PREMIT COLLYVIES MALORVM
 OH TANDEM NOSTRI VESTRIQVE MISEREAT
 NOBIS CONSVLENTES
 ET VESTRAM CAVSAM AGETIS

IX

HAVE CRVX SANCTISSIMA
 SALVS MVNDI COELORVM CLAVIS
 ET DIVINO QVO ADHVC MADES CRVORE
 VIVORVM CONFIRMA VIRTVTVM
 MORTVORVM PIACVLARES FLAMMAS
 RESTINGVE



SACRAE



Domi N. N. qui Virginis sine labe conceptae festum diem agebat

D · O · M ·

AC VIRGINI ALMAE DEIPARAE
OB PRAECLARISSIMAM VICTORIAM
QVAM MATERNAM ALVVM VIX INGRESSA
DE INSIDIOSISSIMO HOSTE REPORTAVIT
GRATVLATIONES ET VOTA

HAVE INTEMERATA VIRGO
ET HANC ARAM QVAM TIBI LAETITIA PRAEGESTIENTES
TEMPORARIO OPERE QVOD LICVIT EXCITAVIMVS
VT NOS INCOLVMES TVTOSQVE
PRAESENTISSIMO TVO NVMINE FACIAS
LIBENS VOLENS EXCIPITO



NEAPOLI, ad sacellum Congregationis juvenum Immaculatam Virginis
Conceptionem celebrantium

D · O · M ·

AC DEIPARAE VIRGINI
CVIVS ANIMA CORPORIS IMMIXTIONE
ADAE LVEM PRIMIGENIAM
CITRA EXEMPLVM VITAVIT
VT

HVIVS SODALITII INVENCVLOS
INTER TOT TANTAQVE SAECVLI HVIVS TENEBRICOSI
OFFENDICVLA
FELICITER MANVDVCAT
SOLEMNI RITV VOTIVAS ARAS



24
NEAPOLI, *pro foribus templi s. Petri ad Aram, quo die Patres s. Francisci Reformati Deiparae sine labe Conceptionem dogmatice definitam celebrarunt*

D · O · M ·

AC IMMACVLATAE VIRGINI DEIPARENTI
QVAM NVPER

INGENTI OMNIVM POPVLORVM PLAVSV
ATQVE LAETITIA

PIVS IX · P · M ·

PRIMIGENIA LABE CARVISSE
DEO IPSO AVCTORE
CREDENDVM ASSERVIT
VOTA ET SVPLICATIONES

Deiparae imago

SI TE CONCEPTAM SINE LABE EDIXIMVS OLIM
HOC PETRI NVPER SANXIT ET IMPERIVM
AT TIBI NATORVM MATER NE CVRA RECEDAT
QVI GAUDENT LAVDEM IVRE PRAEISSE TVAM



Ibidem

D · O · M ·

AC SANCTISSIMO IOACHIM
DEI GENITRICIS PARENTI

CLIENTES AB EO CHOLERA MORBO SERVATI
VOTA NVNCVPATA PERSOLVUNT

s. Ioachim imago

HIC QVANTVM POSSIT VEL QVO SIT DIGNVS HONORE
SVMMVM ENIXA DEVM FILIA VIRGO DOCET



*Ibidem, publicis festis, pro Jesu Christi divinitate asserenda,
ubique contra Ernestum Renan indictis*

IESV CHRISTO

HYMANI GENERIS REDEMTORI
AETERNAE ITEM NOSTRAE BEATITATIS
AVSPICI AC VINDICI
IN PVBLICVM EIVS VERAЕ DIVINITATIS TESTIMONIUM
CASERTANA DIOECESIS
SOLENNIA VOTA

IMPIE QVID FRVSTRA IESV MOLIRIS IN ARAS
QVEM SIMVL EDICVNT TERRA POLVSQVE DEVM?
STVLTE TVVM NOMEN DIRIS DVM DEVOVET ORBIS
IESV VIVIDIOR SVRGIT VBIQVE FIDES



*CASERTAE, festa die recurrente Deiparae septem dolorum,
pro foribus Ecclesiae Redemptori dicatae*

D · O · M ·

AC VIRGINI DEI GENITRICI
QVAE
VNIGENITO SVO CRVCI ADFIXO
SVpra MATERNAM PIETATEM ADSTANS
EIVS VITAM
VT HOMINVM SALVTI CONSVLERET
INCREDIBILI DOLORE
SED MAIORI CHARITATE ET FORTITVDINE
OBTVLIT DEO
SOLENNES ARAS

Deiparae septem dolorum imago

SEPTem PLAGARVM DICOR TRANSFIXA DOLORE
SED NYMERVM PLAGAE NON HABERE MEAE



RUFRAŇI, in Salerni Provincia

SACELLVM HOC
 VETVSTATE SQVALIDVM ET CARIOSVM
 FERDINANDO II ADNVENTE
 EQVES IOSEPH TOSONE RVFRANI DYNASTES
 EIVSQVE CONIVX HIERONYMA ZATTERA
 EX MARCH · NOVENSIBVS
 DE SVO EXPOLIRI ARAQVE ET DOTE
 INSTRVI CVRARVNT



In majori templo Urbis LIPARAE, in Insulis Aeolicis

DIVO BARTHOLOMEO
 QVI SEMEL ET ITERVM
 AC DEMVM A · MDCCCLIV
 ASIATICAM LVEM VBIQVE GRASSANTEM
 VASTATA INCREDIBILI INTERNECIONE SICILIA
 AB INSVLIS AEOLICIS
 EARVMQVE IN PRIMIS HAC PRINCIPE VRBE
 PROHIBVIT REPVLT AVERRVNCAVIT
 ORDO POPVLVSQVE LIPARENSIS
 VT
 PATRONO PRAESENTISSIMO
 ANIMVM OMNI TEMPORE GRATVM
 TANTVMQVE FACINVS POSTERITATI COMMENDARET
 TITVLVM P ·



